



Gugger-Fasnacht

# GUFA 2023

«Mir stiige in d'Hoose!»

13. Usgoob

*Perfektion  
bis ins Detail*



IHR DACH IST UNSER ZENTRUM. DIE SPENGLEREI UNSER HANDWERK.

- Spenglerarbeiten
- Verkleidungen
- Velux Fenster
- Flachdacharbeiten
- Abdichtungsarbeiten mit Flüssigkunststoff
- Dachservice
- Dachreinigung
- Dachkontrollen

**Thüring** Spenglerei GmbH  
Im Stückgarten 1  
4107 Ettingen

T +41 61 721 33 41  
info@thuering-spenglerei.ch  
www.thuering-spenglerei.ch

## «MIR STIIGE IN D'HOOSE!»

Liebi aktivi und passivi Fasnächtler und Fasnächtlerinne

Was für e Fasnacht 2022 hän mir doch dörfe erlebe. Nach vill Schweiss und no meh Schrii-barbet hän mir am Ändi no s'letste Quäntli Glück kha und e phänomenali Gugger Fasnacht 2022 bi perfektem Wetter dörfe erlebe. Es isch e wunderbars Erläbnis gsi, nach 2 Joor Quarantäne und Isolation langsam widr dörfe zrug ine normale Umgang mitenand zfinde. Es het unzähligi wunderbari Moment geh und am Änd hän mir zäme mit de Abzeiche-Ladys im November sogar no dörfe dr Ettiger Priis vo dr Bürgergemeini Ettigä entgege neh. Was füre tolli Wärtsetschzig für uns alli, wo sich mit Härzbluet für d'Gugger Fasnacht ibringe. Wär uns kennt weiss aber, mir ruehie uns nit uf dene Lorbeere us, sondern es het grad wieder gheisse «Mir stiige in d'Hoose»

Sit Monate sind mir scho widr in dr Planig vo dr Gugger Fasnacht 2023 und mir hoffe mir chöne dr Geischt vo dr Fasnacht 2022 mitneh. Es muess bi witem nüm so gross si und gar so vill Lüt ha, denn mir sind und bliibe e Dorffasnacht. Mir hoffe jedoch, dass im Gegesatz zu «vor-Corona» wieder dütllich mehr Lüt an unseri wunderbar vielfältigi Fasnacht werde cho. Mir dängge unseri Fasnacht bietet e tolls Spektrum an verschiedene Aaläss. Es isch für jedi und jede öbbis drbi, aber am Änd läbt sie vo euch allne, wo unseri Fasnacht aktiv oder passiv berüicheret. Mir bhalte diesjoor fast alles bim Alte. Mir gän jedoch viel Energie in d'Verbesserig vo de bestehende Aaläss, so dass diä no attraktiver werde für e breits Publikum. Mir för-dere dr Maskeball am Schmutzige Donnstig, mir hän widr mehr Gugge am Umzug und zudem unzähligi Verpflegigsmöglichkeit am Strosserand. Mir versueche, dass am Mentig d'Beize widr voll wärde für unseri tolle Schnitzelbängg und am Zistig hän mr wieder fast 10 Guggemusike am Guggen-Obe. Mir mien s'Rad nit neu erfinde, unseri Fasnacht isch bereits wunderbar und lebendig.

Also denn, mir sehn uns an dr Gugger Fasnacht 2023

Eure Präsi, Pascal



[www.multi-montagen.ch](http://www.multi-montagen.ch)

Ihr Spezialist, wenn es um Tore, Türen und Fenster geht

\*\*\*10% Neukunden-Rabatt\*\*\*

Multi Montagen GmbH – Kirchwackerweg 11 – 4145 Gempen



Kirchgasse 7  
4107 Ettingen

Tel 061 722 08 67  
[ruchti.gartenbau@bluewin.ch](mailto:ruchti.gartenbau@bluewin.ch)

# GENERALVERSAMMLIG 2022

GV vom 2. Septämber 2022 in dr Aula vom Schuelhuus:

Wie scho im Vorjoor hänn mir uns für unseri Generalvrsammlig Zobe am 7i in dr Aula vom Schuelhuus troffe. Däm Ufruef gfolgt sinn knapp 50 Fasnächtler und au -inne. Unter dene hänn au d'Sybille und dr Benno als Vrträtig vom Gmeindroot a däm Oobe dr Wäg in d'Aula gfunde, um diräggd und unkompliziert unseri Ahligge z'ghöre und s'eint oder andere State-ment z'setze, härzlige Dang an därä Stell für euer Engagement.

D'Traktanteliste für s'2023 isch lang gsy, s het einigi Pünkt us dr letschde Fasnacht zum ufarbeite gäh. Nachdäm dr Tagespräsi und d'Stimmezeller bestätigt und dr Jooresbricht sowie e kurze Bricht vo Syte Gmeind zu dr letschde Fasnacht vrläse worde sinn, isch dr Re-visorbricht zu dr Jooresrächnig vom Toni vrläse und d Rächnig vo de Ahwäsende eistimmig gnähmigt wordä.

S'Jooresprogramm für d'Fasnacht 2023 isch vorgstellt wordä und es gitt einigi Neuerige uf-grund vo dr letschde Fasnacht. Unter anderem wird mehr vom Bütsche in öffentlihi Toilette und ind Sicherheit müsse fliessse. Erfreulich jedoch isch, dass ab dr Fasnacht 2023 wieder näbe de bestehende Beize d'Woog offe wird ha und fürs lybliche Wohl gsortg sy wird.

Ufgrund vo de hohe Mehrchöschte wo im 2023 erwartet wärde isch s'neue Subventionsreg-lemänt vrschiidet worde und dr Abzeichepriis vo alt 7 Frangge uf neu 8 Frangge festgsetzt wordä.

Nachem offizielle Teil sinn mr denn zum gmütliche Teil übergange und hänn zumene Bier oder (und) eme Wyy bimene Täller G'Schnätzletem mit Nudle dr Oobe lo usklinge loh.

Ich bedank mi bi allne Ahwäsende sowie au bi de aktive und passive Fasnächtlerinne und Fas-nächtler wo immer tatkräftig ihre Bytrag zu unserä schöne Fasnacht leiste und ufe schöni Fasnacht 2023.

Eure Vize, Marcel





**burri forst**  
gartenbau

Tel. 061 721 03 00 4107 Ettingen

[www.burriforst.ch](http://www.burriforst.ch)

- gartenbau
- fällarbeiten
- wurzelstockfräsen
- baumschnitt



**PAUL THÜRING**  
Malergeschäft

Paul Thüring • Malermeister

Witterswilerstrasse 17 • 4107 Ettingen

Tel. 061 721 75 87 • Nat 079 776 53 01

**zimmerei stöcklin**  
Holzbau und Bedachungen  
4107 Ettingen Tel. 061 721 12 38  
[www.zimmerei-stoecklin.ch](http://www.zimmerei-stoecklin.ch)

**Metzgerei Schulthess AG**

Ihr Basler Regio-Metzger



Warum in die Ferne schweifen,  
wenn das Gute liegt so nah!

**Hauptgeschäft Basel**

St. Galler-Ring 174, 4009 Basel  
Tel.: 061 301 85 55 | Fax: 061 301 87 61

[www.metzgerei-schulthess.ch](http://www.metzgerei-schulthess.ch)

**Filiale Oberwil**

Hauptstrasse 28, 4104 Oberwil  
Tel.: 061 401 47 90 | Fax: 061 401 47 91

[metzgereischulthess@bluewin.ch](mailto:metzgereischulthess@bluewin.ch)

**kälte ag**  
**basel**

Kälte - Klima - Energietechnik



Grabenackerstr. 8B-CH-4142 Münchenstein

[www.kaelte-basel.ch](http://www.kaelte-basel.ch) [info@kaelte-basel.ch](mailto:info@kaelte-basel.ch)

Tel.: +41 (0)61 706 97 00

Industrie-Kälteanlagen  
Kühl- und Tiefkühlmöbel  
Weinkellerkühlgeräte  
Elektro-Wärmepumpen

Gewerbliche Kälteanlagen  
Kühl- und Tiefkühlzellen  
Klimageräte

# S'LETSCHTE ABZEICHE ... US DR ÄRA «BÉBOUX»

Au in däm Joor hämers uns nit loh näh, scho vorhär go rechneriere, wie s'disjöörige Abzeiche usseht. Do derfür, liebi GuFa-Läser\*inne, hän mir jedes Joor die einzigartigi Glägeheit bi dr Pasci in dr Bastelstuube verbii z'luege. Sälbsterständlich bhalte mir unsers Wüsse bis zu dr Abzeiche-Usgoob geheim. Do nämme mir unseri Ufgoob sehr ärnst!

Mitme lachende und eme brüelende Aug mache mir uns amne Donstig obe ufe Wäg zu dr Pascale. Lachend, wills jedes Joor immer wieder spannend isch verbi z'luege und die glatte Gschichtli vo de Abzeiche-Ladys z'loose. Brüelend, will mir wohl sobald nüm in dr Stube vo dr Pasci lande. Unseri Liebi Pasci loht sich nämlich lo pensioniere und git Ihre Komitee-Platz als Abzeicheverantwortlichi ab. Was uns nonig ganz klar isch, Herr Präsi, springt denn do au e Ränthe use für d'Pasci? Verdient het si s uf jedefall.

Unsers Sujet das Joor: «Mir stiiige in d'Hoose!»

Passend zum Kantonale-Schwingfescht und em Nachwuchs-Schwingertag wo im Mai z'Ettige stattfinde isch au unser Sujet für d'Fasnacht 2023 entstande. Aber das soll nid dr einzigi Grund sii für unsers Sujet: es passt au sehr guet zu unserer vergan-gene Fasnacht wo mir als einzigs Dorf in dr Region hän chönne öbbis uf d'Bei stelle – zwar mit ganz viel Glück aber ebbe au grossem Engagement vo einzelne wo «in d'Hoose gsteige» sin. Und au für die kommende Joore soll uns das Sujet no begleite, schliesslich bruchemr wieder öbber, wo «in d'Hoose stigt», damit mr nöggst Joor au widr sone super tolls Abzeiche chönne ha!



# INTERVIEW MIT DR PASCI

Nach 11 Joor Abzeiche mache, het d'Pasci natürlich einiges zum verzelle. Drum hän mir ihre nomol die wichtigste Frooge gstellt für unsers GUFA-Heffli:

**Danke Pasci, dass du dir Zit nimmsch für uns und vor allem do drfür, dass du sit 11 Joor drfür sorgsch, dass de Ettiger Fasnächtler\*inne immer e eimoligs Abzeiche an de Kostüm hängt! Wenn du die letschte 11 Joor in 3 Wort müesstisch beschriebe – welli wäre das?**

Hmm, Lustig ehm ... Ahsträngend und ... es fällt mir kei dritts Wort ih. Also lustig, ahsträngend und es isch uf jedefall e schöni Zit gsi!

**Welles isch dr ihdrucksvollsti Momänt gsi in dene 11 Joor, wo du s'Abzeiche machsch?**

Jo das isch natürlich dä gsi, wo mir geehrt worde sind. Dr Ettiger-Priis wo mir griegt händ isch sicher s'lidrücklichste gsi und was halt au toll isch, isch z'gseh wie d Abzeiche guet ahchömmen bi de Lüt, vor allem letscht Joor!

**Welles isch s müehsamste Abzeiche gsi?**

\*Alli Abzeiche-Ladys lache\* Jo... ALLI!

**ALLI?!**

Jo, alli. Also wenn ihr würdet frooge welles s'eifachste gsi isch, das isch s'Gnusch gsi. Aber alli andere sind scho sehr ufwändig gsi und das jetzt setzt däm ganze no d'Krone uf.

**Was machsch jetzt mit dinnere neu gwunnene Zit am Donnstig Zobe?**

Also ich muess ganz viel Bürozügs mache für mis Geschäft, was im Moment z'kurz chunnt. Und sunscht halt ebitz de Hobbys nohegeh oder wieder emol öbbis für mi mache.

**Also langwüilig wird dir nit?**

Nei also langwüilig wird mir garantiert nit, nei.

**Was wirdsch am meiste vermiss vo dere Abzeiche-Zit?**

S'Zämmesitze, s'Gsellig si, d'Lüt! Nochärt hoggi jede Donnstig ganz ellei do. Das wird mir sicher e chli fähle. Aber das cha me jo denn au anderst regle ohni Abzeiche, oder? \*D'Abzeiche-Ladys stimme zue\*


**Welles Getränk dörf me dir an dr Fasnacht spendiere?**

Jedes Getränk!

**Was?! Au e Wurzelsepp?!**

Aha nei!!! Also wenn de mi triffsch denn nimmi gären e Heisse Lutz oder e Sambuca! Mit däm chunnsch immer guet ah bi mir.

In däm Sinn – Prost! – Uf di Pasci und uf d'Abzeiche-Ladys! Viele Dank für eure Ihsatz!



## Fam. Ambros Thüring, Weinbau und Brennerei

Wein und Schnaps aus eigener Produktion.  
Direktverkauf jeden Samstag von 10 - 12 Uhr  
in der «Wylaub» oder nach tel. Vereinbarung.

Hauptstrasse 32, 4107 Ettingen, Telefon 061 722 00 07  
info@thuringambrosweinbau.ch /  
www.thuringambrosweinbau.ch

# HOPFEGRANATE

Mir fiire s'5-Jöhrigä!

Wo mr 2017 alli fertig gsy sinn mit em Militär hämmer gfunde, d Ettiger Fasnacht  
braucht no e lässigi Clique, wo kreativ uf dr Höchi isch.

Das mir das nid sin isch denn relativ schnäll klar wordä, mr hänn denn aber doch  
eini gründet. So hänn sich d Gründigsmittglieder (Philipp, Luca, Wäber, Marcel und  
em Marc als Fahrer) entschlosse, e Waage z chaufe und am Umzug 2018 s erste  
Mol mitzmache. Gesagt getan.

Nachdäm sich unsere Fahrer, nacheme Disput mit dr Kantonspolizei über d Höchst-  
geschwindigkeit uf Landstroosse dezue entschlosse het, sis Autobillet us Protest  
abzghä, isch syt em 2020 dr Raphi unsere neuä Stammfahrer wordä.

Im 2021 isch denn no dr Stefan dezuecho, womit mr wieder bi saagehafte  
5 Mitglieder sinn.

Summa Sumarum mache mr Fasnacht, will mr e Freud am Waagebaue hänn und  
s'Gmuetliche stoh immer im Vordergrund. Mir wünsche e schöni Fasnacht 2023!

## Wir bringen Farbe in Ihr Leben.

Seit über 40 Jahren.



061 721 15 11 info@gutzwiller-ag.ch www.gutzwiller-ag.ch



# // GARAGE STÖCKLI AG

Opel Isuzu CarXpert



ISUZU

CARXPERT



Ihr Ansprechpartner  
für alles, was Strom  
braucht.

**kolb** AG  
ETTINGEN 



Hauptstrasse 50-52  
4107 Ettingen  
Tel. 061 726 80 80  
[www.kolb.swiss](http://www.kolb.swiss)

Ihr Elektriker von hier!

## MIR GRATULIERE!

Zur Hochzeit  
am 17. September 2022  
Fabienne und Marco  
Mitglieder vo de Gugger-Sugar  
und de Houli-Mouli



Zur Geburt vom Loris  
am 12. August 2022  
Anja und Michael  
Mitglied vo de Gugger\_Luusmeitli



Zur Geburt vo dr Mia  
am 19. Oktober 2022  
Isabelle und Sven  
Mitglieder vo de Gugger-Sugar  
und de Houli-Mouli



# COIFFURE TEAM

hauptstrasse 26  
4107 ettingen

tel. 061 721 21 11  
[www.coiffureteam.ch](http://www.coiffureteam.ch)

FUSSPFLEGESALON  
NICOLE SCHNEIDER-MUSTER

Hauptstrasse 22

4107 Ettingen

Tel. 061 721 25 35

## JOBCENTER BASELLAND AG

Reinacherstrasse 3A

4106 Therwil

Tel. 061 725 10 00

[www.jobcenterag.ch](http://www.jobcenterag.ch)



### Ihr Stellenvermittler

im Bauhaupt- & Nebengewerbe, Industrie

- Temporärstellen
- Dauerstellen
- Feststellen





keg-kaelte.com

Brühlmattweg 5  
4107 Ettingen  
Schweiz  
+41 44 594 65 23  
+41 79 480 86 86  
info@keg-kaelte.ch

# WAS UNTEREM JOOR SO GLOFFE ISCH

Ihre het dr Vize e Hüüchlerbäise  
überreicht, will är si so gärn het.  
(dr Präsi isch biz iiversüchtig worde, aber si häns denn  
besproche und isch wider alles guet)




Die het s'Komitee zum Ässe iglade,  
will si sicher mehr für d'Fasnacht  
make als mäingg andere!

Die zwei hän e grosse Schegg becho,  
will si «in d'Hoose gstiige» sin.



# BEIZE-GUIDE UND DORFPLAN

- BAHNHÖFLI**  
bis 24:00 Uhr (Ässe bis 23:00 Uhr)  
Offe: Donnstig, Samstig, Sunntig, Mentig und Zistig  
z'Ässe: Pizza, Schnippo, Cordon Bleu usw.
- ALTANE**  
Offe: Donnstig, Samstig, Sunntig, Mentig und Zistig  
z'Ässe: Grossi Cordon Bleu in alle Variatione  
☑ Take Away
- WOOG**  
Offe: Donnstig, Samstig, Sunntig, Mentig und Zistig  
z'Ässe: Fasnachtskarte  
Sunntig: Live-Musik  
☑ Take Away (am Sunntig)
- GUGGERHUUS**  
Offe: Sunntig  
z'Ässe: Cordon Bleu usw.
- ÄNDSTATION**  
Offe: Donnstig, Sunntig und Zistig  
z'Ässe: HotDog, Thonbrötli  
z'Drinke: u.a. Infusionsshot  
☑ Take Away (am Sunntig)
- WYY BAR**  
Offe: Donnstig, Sunntig  
z'Ässe: Thonbrötli, Schwiinswürschtli  
☑ Take Away
- PUB**  
Offe: Donnstig, Sunntig, Mentig und Zistig  
z'Ässe: Rolands super Burger  
☑ Take Away (am Sunntig und Zistig)
- WAGGISBAR**  
Offe: Samstig (für diä dhähig bläibene und Rückkehrer), Sunntig und Mentig  
z'Ässe: Frikadellen und Spätzlipfanne  
☑ Take Away (am Sunntig)
- JEKER BEGG**  
Offe: Normal usser am Sunntig bis am 6i Zobe und am Zistig bis am 10i Zobe  
z'Ässe: Normal's Agebot Bäckerei  
☑ Take Away
- KOROLEVY**  
Offe: Sunntig  
z'Ässe: Ukrainische Spezialitäten  
☑ Take Away
- DIÄ DRÜMLIGE**  
Offe: Zistig (Fröschlibar)  
z'Ässe: Ghacks mit Hörnli  
z'Drinke: u.a. Fröschli  
☑ Take Away
- NOODLEKILLER**  
Offe: Zistig  
z'Ässe: Croque-Monsieur, Crepes, z'Drinke: u.a. Fröschli  
☑ Take Away
- FIDI BURGER**  
Offe: Sunntig  
z'Ässe: Galloway & Strusse-Burger  
☑ Take Away
- WIKINGER GLÜEWY LADY'S**  
Offe: Sunntig  
z'Ässe: Dreierlei Würscht und Pommes  
z'Drinke: Wens ganz chalt isch gits Glühwyy  
☑ Take Away



# FASNACHTS

# PROGRAMM

## 4. FEBRUAR: DORFDEKO UFHÄNGGE UND BÖÖLELI

10:00 Uhr: Dorfdeko ufhängge, Träffpunkt für alli Aktive bim Ruchti Gartebau. Aschliessend goht me ans Bööleli, wo s'Komitee de Hälfer eine usgit.  
ab 12:00 Uhr: Bööleli im Guggerhuus. Dr perfekt Aalass, zum sich uf d'Fasnacht ii z'stimme.

## 10. UND 11. FEBRUAR: GUGGERZYTLI - VORFASNACHTSVERASTALTIG

Fritig, 10. und Samstag, 11. Februar in dr Aula. Alli Infos unter: guggerzytli.ch

## 16. FEBRUAR: SCHMUTZIG DONNSTIG

14:00 Uhr: Schuelumzug oberi Hauptstross. D'Chindsgi- und Schuelkinder präsentiere ihri sälbergmachte Kostüm.  
ab 18:00 Uhr: Beizefasnacht inkl. Maskeball. 23:00 Uhr: Maskeprämierig bi dr Ändstation-Bar.

## 18. FEBRUAR: FASNACHTSSAMSTIG

Individuells Programm: D'Waggisbar het offe und die dähäi bliibene und Rückkehrer chönne dort go iicheere. S'Komitee empfiehlt dr Umzug in Hofstette go z'luege oder gar go mitmache.

## 19. FEBRUAR: FASNACHTSSUNNTIG

14:30 Uhr: Fasnachtsumzug entlang dr Hauptstross.  
Es bsueche uns als Gascht-Guggene: d'Merlin Schränzer, d'Lupo-Rueche, d'Kilts Basel und d'Basler Garde Clique.  
Aschliessend: Beize-Fasnacht mit Schnitzelbängg

## 20. FEBRUAR: KINDERFASNACHT UND S'SCHNITZELI

13.30 Uhr: Träffpunkt ufm Gmeiniplatz. Chliene Umzug mit de Kinder durchs Dorf zum Schuelhuusplatz. Dort gits e tolli Konfettischlacht wo alli Kinder und Chindsköpf iiglade sin zum mitmache. In oder um d'Turnhalle findet denn s'Kinderprogramm statt und für die hungrige und durstige unter euch isch au gsorgt.

ab 19:00 Uhr: Schnitzeli und Beizefasnacht. Unseri Schnitzelbänggler gän nomol alles und sin im Dorf unterwäggs.

## 21. FEBRUAR: GUGGER OBE 2023 - FASNACHTS-MEILE IM DORF

ab 19:00 Uhr: Fasnachtsmeile mit zwei Bühne zmitzt im Dorf. Verschiedensti Gugge-Konzärt, Beizli und diversi Fasnachtswäge nomol uf dr Hauptstross ufgstellt. Witeri infos uf dr nöggste Doppelsite!

## 26. FEBRUAR: FASNACHTSFÜÜR

18:45 Uhr: Träffpunkt bim Coop Parkplatz, Fackelumzug ufe Räbhübel. Dort wird s'grosse Fasnachtsfüür azündet und Schiibli gschosse. Für z'Ässe und z'Drinke isch gsorgt.

## 4. MÄRZ: DORFDEKO ABHÄNGGE

10:00 Uhr: Dorfdeko abhängigge, Träffpunkt bim Ruchti Gartebau. Aschliessend git s'Komitee de Hälfer eine us!

## 22. APRIL: SCHLUSSOBE

19:00 Uhr: Dr neu Fasnachtsfilm wird in dr Turnhalle präsentiert und vorab no dä vom 2013. Beiz und Bar durch d'Hopfegranate.



# GUGGER OBE 2023: FASNACHTS-MEILE IM DORF

Wie vor drei Joor schomol duuregführt, wärde zwei Bühne zmitzt im Dorf ufgestellt und mit dr Waageburg uf dr gsperrte Hauptstross ergänzt. Verschiedeni Gugge chöme an däm Obe cho spiile und an diverse Ort chame sich mit Getränk und z'Ässe verpflege.

## ZYTE

Strossesperrig: 18:00 – 07:00 Uhr

Gugge-Konzärt: 19:30 – 22:30 Uhr

Waageburg: 19:30 – 24:00 Uhr

## GUGGEMUSIK

Ufem Programm stöhn das Joor:

d'Noote Heuer (Witterswil), d'LRG13

(Witterswil), d'Gugge BrassBand

(Murg, DE), d'Gloori Moore (Hofstettä),

d'Akademiker (Basel), d'Grossstadt-

chnulleri (Kaiseraugst), d'Furzgugge

(Rynach), d'Rätschbeeri (Basel) und

natürlich unseri **Gugger-Gugge Ettigä!**

Alli Gugge spiile uf beidne Bühne

eimol. D'Spiilzite wärde denn churz

vor dr Fasnacht no bekannt gää.

## WAAGECLIQUE

Unter anderem drby sin unseri

All-Time-Klassiker: d'Houli-Mouli,

d'Chaospidole, die Drümmlige,

d'Sirenehüüler, d'Hopfegranate, dr

Joorgang und villicht au no anderi

Waageclique wo sich spontan

entscheide. Wär scho immer mol het

welle Waageluft schnuppere, dorf gärn


uf die verschiedene Wääge go luege.

Wär mitm Waage will drbi si, cha sich

bi dr Ameldig füre Umzug uf gufa.ch

au für dr Gugger Obe amälde.

## D'GUGGER-GUGGE UND S'KOMITEE FREUE SICH UF VIELI BSUECHER!



## LEGÄNDE



Bühni 1+2



Fasnachtswaage



Pub



Ändstation



Jeker Begg



Diä Drümmlige



Noodlekiller

## Schnupperprob

Mäntig 13. März 2023

19:45 Uhr

Aula bim Schuelhuus Hinteri Matte,  
Ettigä

Uns muesch ghört ha -  
bi uns willsch drbi sii!



Öb mit oder ohni Instrumänt,  
mäld di bi uns:  
[info@gugger-gugge.ch](mailto:info@gugger-gugge.ch)

# DR MASKEBALL AM SCHMUTZIG DONNSTIG

So funktioniert's:

## AKTIVI (EINZELMASKE UND GRUPPE)

1. Am beschte mäldisch di grad über unseri Homepage ([gufa.ch](http://gufa.ch)) füre Maskeball ah, dört bechunsch denn e Startnummere zuteilt und du chasch am Schmutzig Donnstig diräkt loslegge.
2. Wotsch doch Liebr in dr Beiz verby cho zum di aamälde? Denn chasch zwüsche 20:30 und 21:30 Uhr im Pub dini Startnummere cho abhole.
3. Zwüsche 20:00 und 22:45 Uhr chönne dir denn alles gää und in de teilnehmende Beize d'Zueschauer vo euerem Sujet überzuege.
4. Durch s'Zueschauer-Voting wird entschie, welli Gruppe oder Einzelmaske in de jeweilige Kategorie gwunne het.
5. D'Maskeprämerig findet am 23:00 Uhr vor dr Ändstation-Bar statt, begleitet vo dr Gugger-Gugge wo denn no e Ständeli spiilt.

## JURY (ALLI ZUESCHAUER)

1. Damit mir usefinde, welles Sujet oder welli Gruppe/Einzelmaske dasjoor die beschti gsii isch, simer uf eueri Unterstützig agwiise!
2. Träffet euch am Schmutzig Donnstig mit euerne Fründe in de teilnehmende Beize und lönd euch vo de verschiedene Sujets verzaubere.
3. Merket euch guet, welli Gruppe oder Einzelmaske euch am beschte gfalle oder am meischte überzügt het.
4. Scanned dr QR-Code zum abstimme wo in jedere Beiz ufliigt.
5. Fülled d'Abstimmig us und schicket uns euers Voting bis am 22:45 Uhr
6. Dir wänd wüsse, wär sich unter de Maske verbirgt und welli Gruppe oder Einzelmaske gwunne het? Chömmed am 23:00 Uhr zu dr Ändstation-Bar und findets use! Au d'Gugger-Gugge spiilt dört denn no e Ständeli, es lohnt sich also!

## TEILNÄHMENDI BEIZE:

- |              |             |
|--------------|-------------|
| - ÄNDSTATION | - BAHNHÖFLI |
| - WYY BAR    | - ALTANE    |
| - PUB        | - WOOG      |

# CHAOSPIDOOLE

Jubiläumsclique: 10 Joor Chaospidoole

Sitem 2013 sin mir fließige Teilnähmer an dr Guggferfasnacht. Damals bekannt unter Konfettischisser het dr Geburtsstamm vo unserer Clique erschtmolig e Wage ohne gschisse. Kei Joor später simmer scho s'erscht mol uf diä gloorrichi Idee cho unsere Name z'ändere. Als «Chaospilote» starte mr dure; hän mr gemeint.

Doch au dä Name het nit lang überläbt. Jede zweite Bsoffene und jede dritte Legaschtheniker het unsere Name nit rächt chönne stammle. Somit simmer 2015 uf unsere Finale Gendergerächte, Umwältfründliche und Bsoffene gemässe Name «Chaospidoole» cho. Ä Name wo sogar e Männeli nach 17 Bier cha grööle.

Sithär hän mr scho dr eint odr ander Mitgliederwächsel kha und chöme bis zum hütige Datum uf stolzi 10 Mitglieder. Vo däne 10 Mitglieder het rund d'Hälfti drvo gärn e grosses Muul. Das hän mir uns zum Vorteil gnutzt und ziehn in de Fasnachtsnächt mit Ukulele's und Gsang vo Beiz zu Beiz.





# S'SCHNITZELI AM MENTIG ZOBE

## DÄ OOOBE FÜR SCHNITZELBANGGFANS!

Dir isch dr Rummel am Sunntig in de Beize z' vill oder du willsch eifach in Rueh bimene feine Esse und guete Getränk unterhalte wärde und e tolle Oobe verbringe? Denn hän mir genau dr richtig Aalass für di: s' Schnitzeli am Mentig Zobe. An däm Oobe ziehn alli Schnitzelbanggformatione nomol durch d' Beize vom Dorf. Mä cha die wunderbare Helge nomol bewundere und sich an de spitze Värs erfreue. Zwüscheduure blibt aber au immer wieder mol Zyt für spannendi Gspröch, d' Ettiger Beize und Bare biete drfür dr ideali Rahme.

Dä Oobe isch also e MUESS für alli Schnitzelbanggfans. Mir empfehle euch, e Tisch z' reserviere, dass dr denn au sicher Platz hend.



## Wikinger Glüewy Lady's

Mir verkaufe an unserem Stand z' Ässe und z' Drinken währenddem Fasnachtsumzug bi dr Tierarztpraxis. Chomed verby!

(Glüewy gits, wenns ganz chalt isch)

Sonntag offen

in Ettingen

**jeden Sonntag offen**  
08.00 bis 12.00 Uhr



BÄCKEREI KONDITOREI CAFÉ

**J E K E R**



*Wo Feines entsteht*

BÜSSERACH | NUNNINGEN | BRISLACH | ETTINGEN  
061 781 13 09 | 061 791 14 30 | 061 783 83 33 | 061 721 14 77

# SPORT STÖCKLI

4107 ETTINGEN



Heizungstechnik ■ Sanitärtechnik

**Moret-Brodmann AG**

4114 Hofstetten Tel. 061 731 30 36

[www.moret-brodmann.ch](http://www.moret-brodmann.ch)

Heizungen – Wärmepumpen – Sanitär – Badumbau

R. Moret / A. Brodmann / P. Weikard

## S'KOMITEE WÜNSCHT ALLNE E TOLLI FASNACHT!





**RR** TREUHAND

Gewerbestrasse 10  
CH-4450 Sissach  
Tel. +41 (0)61 973 19 19  
office@rr-treuhand.ch  
www.rr-treuhand.ch

Gerne beraten wir Sie!  
**Nicole Courtet & Steffi Schaub**

Ihr Partner für:

**INFONIQ**

Buchhaltungssoftware

**double count**

Dialogik Lohnbuchhaltung

**topal**

Buchhaltungssoftware

**Rolf Basler Bestattungen**

**Vertrauen. Abschied. Erinnerung.**



[www.basler-bestattungen.ch](http://www.basler-bestattungen.ch)

[www.rheinbestattung.ch](http://www.rheinbestattung.ch)

Aesch: Hauptstrasse 33  
Ettingen: Hauptstrasse 16  
Therwil: Baslerstrasse 41

Telefon **061 751 16 15**  
Telefon **061 721 10 50**  
Telefon **061 721 10 50**

# DANGGE!

**AN DIE ZAHLRIICHE SPONSORE  
UND GÖNNER wo UNSERI FASNACHT  
so GROSSZÜGIG UNTERSTÜTZE UND  
MIT IHREM BITRAG DÄ ALASS  
ÜBERHAUPT MÖGLICH MACHE!**

**MIR BITTE UNSERI LÄSERSCHAFT,  
BI DR NÖGGSCHTE GLÄGEHEIT  
UNSERI INSERÄNTE UND  
FASNACHTSSYMPATHISANTE  
Z'BERÜCKSICHTIGE.**



Im Nebengraben 5  
4107 Ettingen  
+41 78 663 53 84

**ALLI INFORMATIONE  
RUND UM D'GUGGER FASNACHT  
IMMER GRIFFBEREIT:**



**Gugger  
Fasnacht**

**D'GUGGER-FASNACHT  
GITS NATÜRLICH AU ONLINE!**



GuFa -  
Gugger Fasnacht



@guggerfasnacht



gufa.ch



Fasnachtskomitee Ettingen



**ANDROID:**



**APPLE:**



**Wo  
Schönes  
entsteht.**

brodmannag.ch  
4107 Ettingen

**brodmann<sup>o</sup>ag**

wir malen, tapezieren und isolieren

# UNSERE SIEGERMUUNI FERDINAND ...



**... HET SICH VOR DR FASNACHT LEIDER  
VERLETZT! ZUM GLÜCK HÄN MIR SCHO  
FÜR ERSATZ CHÖNNE SORGE:**

